

Napad auto-bombom na Željka Kopanju

Visoki predstavnik, Wolfgang Petritsch, i ambasadori zemalja članica Upravnog odbora, na sastanku održanom danas u Sarajevu, izrazili su svoje zaprepaštenje saznanjem o napadu auto-bombom na Željka Kopanju, glavnog i odgovornog urednika Nezavisnih novina.

Gosp. Kopanja, koji se trenutno nalazi na hitnoj operaciji u bolnici u Banjoj Luci, je u kritičnom stanju. Visoki predstavnik i ambasadori zemalja članica Upravnog odbora duboko saosjećaju i sa njim i sa njegovom porodicom u ovom teškom periodu. Oni se iskreno nadaju da će se gosp. Kopanja oporaviti od ovog užasnog napada.

Gosp. Kopanja je hrabar novinar, koji od avgusta objavljuje seriju članaka u Nezavisnim novinama o zvjerstvima koja su tokom rata protiv pripadnika nesrpskih naroda počinile srbijanske snage i snage bosanskih Srba. Ova serija članaka predstavlja prvu sveobuhvatnu istragu o ovim zvjerstvima koja se pojavila u medijima Republike Srpske.

Terorizam protiv novinara je potpuno neprihvatljiv. Gosp. Kopanja svakako ima ključnu ulogu u uspostavljanju slobodnih i nezavisnih medija u ovoj zemlji, što je od temeljnog značaja za proces pomirenja i uspostavljanje trajnog mira.

Visoki predstavnik i ambasadori zemalja članica Upravnog odbora izravno osuđuju odgovorna lica za ovaj čin. Pozivamo lokalnu policiju da poduzme energičnu i hitnu istragu o ovome gnusnom činu. Budite uvjereni da će OHR, zajedno sa ambasadorima zemalja članica Upravnog odbora, dati sve od sebe da daju podršku relevantnim organima kako bi počinioci bili izvedeni pred lice pravde.